



তথ্যবিবরণী

নম্বর-০৫৯

## জাতীয় জন্ম ও মৃত্যু নিবন্ধনে আবারও সেরা রাসিক

রাজশাহী; ২২ আশ্বিন (০৭ অক্টোবর):

জাতীয় জন্ম ও মৃত্যু নিবন্ধনে ১২ সিটি কর্পোরেশনের মধ্যে আবারও সেরা রাজশাহী সিটি কর্পোরেশন। পর পর ৩য় বারের মত ২০২৪ সালে জন্ম ও মৃত্যু নিবন্ধনে ১ম স্থান অর্জন করেছে (রাসিক)। জাতীয় পর্যায়ে জন্ম ও মৃত্যু নিবন্ধন কার্যক্রমে অনন্য অবদানে ২০২১, ২০২২ ও ২০২৩ সালে ১ম স্থান অর্জন স্বীকৃতি লাভ করেছে।

‘জন্ম-মৃত্যু নিবন্ধন, আনবে দেশে সুশাসন’ প্রতিপাদ্য নিয়ে ৬ অক্টোবর জাতীয় জন্ম মৃত্যু নিবন্ধন দিবস-২০২৪ পালিত হয়েছে। এ উপলক্ষে রাজধানীর ডিপিএইচই অডিটোরিয়ামে জাতীয় জন্ম ও মৃত্যু নিবন্ধন দিবস ২০২৪ উপলক্ষে আয়োজিত আলোচনা সভায় প্রধান অতিথি ছিলেন এলজিআরডি, সমবায় ও ভূমি উপদেষ্টা এ এফ হাসান আরিফ। অনুষ্ঠানে সিটি কর্পোরেশন ক্যাটাগরিতে জন্ম ও মৃত্যুনিবন্ধন কার্যক্রমে অনন্য অবদানের স্বীকৃতি স্বরূপ রাজশাহী সিটি কর্পোরেশনকে সম্মাননা স্মারক ও সনদ প্রদান করা হয়। অনুষ্ঠানে প্রধান অতিথি এলজিআরডি, সমবায় ভূমি উপদেষ্টা এ এফ হাসান আরিফের নিকট থেকে সম্মাননা স্মারক গ্রহণ করেন রাসিকের সচিব মোঃ মোবারক হোসেন।

এ সময় জন্ম ও মৃত্যু নিবন্ধন রেজিষ্টার জেনারেল মোঃ যাহিদ হোসেন মন্ত্রিপরিষদ বিভাগের সচিব (সমন্বয় ও সংস্কার) মোঃ মাহমুদুল হোসাইন খান, স্থানীয় সরকার বিভাগের অতিরিক্ত সচিব মোঃ নজরুল ইসলাম, ইউনিসেফ বাংলাদেশের উপ-প্রতিনিধি দীপিকা শর্মা ও ডেপুটি রেজিষ্টার জেনারেল ড. আবু নছর মোহাম্মদ আবদুল্লাহ উপস্থিত ছিলেন।##

.....  
তৌহিদ/আতিক/আরিফ/আলীম/হালিম/১৬:৩০ঘ.